



AK-mi siulittaasup IMAK-ip sinniisoqarfiata ataatsimiinnerani (nov.2019) oqalugiaataa

Qujavunga maani IMAK-ip sinniisoqarfiata ataatsimiinnerani qaaqqusatut peqataatikkusussimagassinga.

Qujavunga aamma AK-mi ukiuni siulittaasuuffinni manna tikillugu oqaloqatigiittarnitsinni suleqatigiittarsimanitsinnilu ilaatigut kattuffeqatigut allat peqatigalugit, avitseqatigiittarsimanigut aamma eqqarsaatigalugit.

Ukiuni makkunani aggersunilu pingaaruteqarluinnartut isigaara kattuffeqatigiilluta suli annertunerusumik ikioqatigiillutalu suleqatigiittarnissarput.

Sulisut kattuffiisut sulinitsinni unamminartunik naammattuugaqartuarpugut, soorlu sulisitsisunit malitassat, isumaqatigiissutit, inatsisit ilaalu ilanngullugit uniortillugit pisoqaleraangat aaqqiagiinnnginnerpassuit pilersarput ilaatigut imaluunniit amerlasuutigut tamakkuninnga malitassanik ilisimasakinneq imaluunniit atorfigilikkamut atukkorsorsimanerup amigarnera amigaataaneraluunniit pissutaallutik.

Tamakku pinaveersaartinnissaat eqqarsaatigalugu malunnarpoq sulisoqarnerup tungaatigut malitassat pillugit suliffeqarfiit pisinnaasaasa qaffassarnissaannik periarfissanik ilaatigut amigaateqartoqartoq, taamaammallu AK-mit pingaartutut isigaarput tamassuma tungaatigut kattuffiit ikioqatigiilluta kivitseqataasinnaanitta periarfissarsiuullugu misissornissaa – soorlu pisortat suliffeqarfiini sulisunik/pisortanik pikkorissaasarnissanik neqerooruteqartarsinnaanissat eqqarsaatigalugit – misilittakkagut ilisimasagullu taama aaqqissuussinissamut tulluareemata. Kattuffeqatigiilluta naapittarnitsinni tamanna eqqarsaat eqqartulaareernikuuarput nangeqqinnissaalu assut AK-mit soqutiginartillugu tassami piviusunnngortissinnaagaluarpat ajornartorsiutinut pilersartunut pinaveersaartitsinermik ilaatigut kinguneqarsinnaanera neriuarmat.

Allatigut aamma kattuffiit ikioqatigiilluta ataatsimoorussamik anguniagaqartarnissarput kissaatiginarpoq – soorlu inatsisinut tunngasut – inatsisinik pilersitsiniaanerit allalu kattuffiit ilaasortatta inuiaqatigiillu iluaqutigisinnaasaat.

Oqaasissat amerlasinnaagaluaqisut maani takisoorsualiornanga naggataatigut siunissami suli suleqatigiilluaqqinnissatsinnik neriuuteqarlunga ataatsimiilluarnissassinnik kissaappassi.

Qujanaq.



Tale ved AK's formand ved IMAKs repræsentantskabsmøde.

Jeg takker for at I ville se mig som gæst til jeres repræsentantskabsmøde.

Jeg takker for at i de år jeg har været formand har haft et godt samarbejde og en god dialog også på tværs af andre organisationer.

Jeg ser frem til i de kommende år at vi som organisationer vil hjælpe hindanden og samarbejde meget mere.

Vi møder altid i vores organisationer udfordringer i vores hverdag f.eks. over for selvstyret som gang på gang overtræder de gældende aftaler, love og retningslinier og vi er bliver modparter som næsten i alle tilfælde skyldes manglende kendskab til love eller at de rette ikke bliver klædt på når de tiltræder en stilling, der medfører uenighed.

For at undgå sådanne situationer er det mærkbart at arbejdspladserne ikke har taget højde for at give redskaber til lederne derfor mener vi i AK at vi faglige organisationer sammen kan løfte denne opgave at være med til at afholde kurser for lederne da vi har erfaringerne til at udføre dette.

Når organisationerne samles en gang om måneden har vi drøftet dette emne tidligere og vi fra AK synes det er spændende og vi glæder os til at realisere dette.

Vi faglige organisationer kan have fælles mål f.eks. lovforslag som vi kan være fælles om kan vi samarbejde om.

Jeg kan sige mange ord men nøjes med at sige at jeg håber for fremtiden at vi kan samarbejde endnu bedre og jeg vil ønske et rigtig godt repræsentantskabsmøde.

Tak.



(+299) 322577
Fax: 324440



AKNUUK@AK.GL
WWW.AK.GL



QUASSUNNGUAQ 19, BOX 212
3900 NUUK